


KONTINUIRANI PROFESIONALNI RAZVOJ

BILTEN

Godina 2011

Broj 2



Javna ustanova Dom zdravlja Kantona Sarajevo

u saradnji sa

Fondacijom fami i

Udruženjem ljekara porodične/obiteljske medicine Federacije BiH
podružnica Kantona Sarajevo



JU Dom zdravlja Kantona Sarajevo
Ul. Vrazova 11, 71000 Sarajevo
Tel. 033/443-890
Fax: 033/550-995

**Udruženje ljekara/liječnika porodične/
obiteljske medicine FBIH**
Podružnica Kanton Sarajevo
Ul. Vrazova 11, 71000 Sarajevo
Tel. 033/252-433

Fondacija fami
Ul. Džemala Bijedića 2, 71000 Sarajevo
Tel/fax: 033/616-343

Za Ustanovu:

prim.dr. Milan Mioković,
vd generalni direktor

Koordinatori KPR-a:

mr.med.sci.prim.dr. Zaim Jatić
dr. Amela Kečo
Bureković Šefika, vms
dr. Mubera Poplata
dr. Mirsada Ganija

Radna grupa KPR-a

mr.med.sci.prim.dr. Slobodan Trninić
prim.dr. Dženana Tanović
Avdić Mediha, dipl.med.sestra
Bajramović Emina, vms

Dizajn i obrada teksta:

Zlatar Esmā
Viteškić Zlatko
Duraković Edin

Sarajevo, septembar 2011.

Kontinuirani profesionalni razvoj u 2010. godini Da li možemo biti zadovoljni?

Organizacija i sprovođenje kontinuiranog profesionalnog razvoja u 2010. godini pokazali su da u Javnoj ustanovi Dom zdravlja Kantona Sarajevo postoje ljudski i materijalni resursi za ovakav složen poduhvat.



Organizovana su ukupno 64 predavanja sa 48 različitih predavača iz redova ljekara, medicinskih sestara, psihologa i socijalnih radnika. Na predavanjima su učestvovali svi ljekari i medicinske sestre iz službe porodične medicine.

Organizovana je i 31 stručna radionica.

Veoma složena stručna radionica bila je „Rano otkrivanje problema sa alkoholom“ u čijoj pripremi i organizaciji su, pored tima iz JU Dom zdravlja Kantona Sarajevo, učestvovali i stručnjaci iz JU Zavod za liječenje alkoholizama i drugih toksikomanija, Fondacije fami i Univerzitetske bolnice Ženeva. Dobiven je značajan broj ljekara i medicinskih sestara spremnih da svoja znanja i vještine iz ove oblasti prenesu kolegama.

Završna aktivnost unutar kontinuiranog profesionalnog razvoja u 2010. godini bio je Dan KPR-a na kojem je učestvovalo 450 ljekara i medicinskih sestara. Posebno se ponosimo ovim događajem jer je organizovan u saradnji s lokalnom zajednicom, tačnije s Općinom Novi Grad.

Ljekari i medicinske sestre porodične medicine posebno su dobro ocijenili stručnu radionicu „Kliničke vještine osnovnog i naprednog održavanja života u timovima porodične medicine“. Ova radionica je u potpunosti isplanirana i sprovedena od strane stručnjaka iz JU Dom zdravlja Kantona Sarajevo. Imala je ukupno 28 ponavljanja što je omogućilo svim ljekarima i medicinskim sestrama da vježbaju praktične vještine. Pisani komentari na evaluacionim listovima ove radionice mogu biti i zaključak, a i smjernica budućeg organizovanja KPR-a:

„Neki od nas imaju prvi put priliku u životu da rade na modelima.“

„Po prvi put smo u potpunosti zadovoljni s ovim načinom učenja.“

„U budućnosti se bazirati na ovakav vid edukacije sa praktičnim radom.“

Da li možemo biti zadovoljni s aktivnostima kontinuiranog profesionalnog razvoja u JU Dom zdravlja Kantona Sarajevo u 2010. godini?

Odgovor na ovo pitanje je kratak i jasan: DA.

Zaim Jatić

S A D R Ź A J

Rano otkrivanje problema sa alkoholom i kratkim intervencijama namijenjene timovima porodične medicine	4
Kliničke vještine osnovnog i naprednog održavanja života za timove porodične medicine - za trenere	6
Kliničke vještine osnovnog i naprednog održavanja života za timove porodične medicine – za ljekare i medicinske sestre održane po organizacionim jedinicima	7
Dan kontinuiranog profesionalnog razvoja u JUDZKS	9
Predavanje za psihijatre iz centara za mentalno zdravlje	10
Prezentacije	11
Intervju sa.....	16

*Javna ustanova Dom zdravlja Kantona Sarajevo i Udruženje ljekara porodične/obiteljske medicine FBiH - Podružnica Kanton Sarajevo se zahvaljuju **Fondaciji fami** na dugogodišnjoj uspješnoj saradnji. (<http://www.fondacijafami.org>)*

KONTINUIRANI PROFESIONALNI RAZVOJ

Konsultanti i koordinatori KPR-a u JUDZKS

- | | |
|--|--|
| <ol style="list-style-type: none">1. Čulibrk-Hadžimehmedagić dr. Gordana2. Ramović dr. Fuad3. Čustović Advija, vms4. Poplata dr. Mubera5. Vilić dr. Rabija6. Zametica Suzana, vms7. Prčić-Kerić dr. Snježana (Hasanović dr. Elvira)8. Pašagić dr. Almir9. Omić Samira, vms10. Matoruga dr. Amra11. Udovčić dr. Aida12. Durić-Hajro Emina, vms (Memić Mirsad, vmt)13. Habul dr. Ferida (Hodžić dr. Vildana) | <ol style="list-style-type: none">14. Husić dr. Fuad15. Selmanović Derviša, vms (Dermirović Ferida, vms)16. Bilić dr. Vildana17. Resulović dr. Amra18. Pašukan Almedina, vms19. Ganija dr. Mirsada20. Hebibović dr. Ševala21. Kunovac Jasmin, vmt22. Mulaosmanović Elma, vms23. Kurtanović dr. Safet (Skopljak dr. Salih)24. Merdžanić dr. Elma25. Vegara Vahida, vms |
|--|--|

STRUČNE RADIONICE

RANO OTKRIVANJE PROBLEMA SA ALKOHOLOM I KRATKIM INTERVENCIJAMA, NAMIJENJENE TIMOVIMA PORODIČNE MEDICINE (14.09. – 15.09.2010.)

U okviru KPR programa održana je stručna radionica “Rano otkrivanje problema sa alkoholom i kratkim intervencijama, namijenjene timovima porodične medicine” u periodu od 14. do 15. 09. 2010. godine.

U organizaciji radionice učestvovali su stručnjaci iz Univerzitetske bolnice Ženeva, Švicarska, JU Zavod za alkoholizam i druge toksikomanije, Fondacije fami i JU Dom zdravlja Kantona Sarajevo.

Voditelji radionice su bili:

- *dr. Pascal Gache, Univerzitetska bolnica Ženeva (University Clinic Geneve)*
- *dr. Nermana Mehić-Basara, JU Zavod za alkoholizam i druge toksikomanije*
- *dr. Zaim Jatić, JU Dom zdravlja Kantona Sarajevo*
- *Magbula Grabovica, dipl.med. sestra, JU Zavod za alkoholizam i druge toksikomanije*



Ciljevi radionice:

- Ispitati iskustva ljekara i medicinskih sestara porodične medicine u radu s pacijentima koji imaju probleme povezane s pijenjem
- Uvođenje “Audita” – skrining sredstva za otkrivanje problematičnog konzumiranja alkohola
- Usvajanje metoda kratke intervencije u svakodnevni rad timova porodične medicine sa pacijentima s problematičnom upotrebom alkohola
- Unapređenje saradnje timova porodične medicine s Zavodom za alkoholizam i druge toksikomanije

Ljekari	Medicinske sestre/tehničari
Mioković Milan	Kurtović Amra
Viteškić Nermina	Jašarević Advija
Bilić Vildana	Polimac Naza
Kečo Amela	Omić Samira
Ferizović Neda	Memić Mirsad
Prcić Kerić Snježana	Omerhodžić Fatima
Poplata Mubera	Hadžibegić Elma
Ramusović Razija	Lihovac Agnesa
Husić Fuad	Čustović Advija
Skopljak Salih	Gredić Hajra
	Mulaosmanović Elma
	Bunar Alma



KLINIČKE VJEŠTINE OSNOVNOG I NAPREDNOG ODRŽAVANJA ŽIVOTA ZA TIMOVE PORODIČNE MEDICINE – ZA TRENERE (22.10.2010.)

Uvodna radionica za buduće predavače (ljekare i medicinske sestre/tehničare) na radionicama održana je **22.10.2010.** godine u Edukativnom centru porodične medicine, Vrazova 11/II, u vremenskom periodu 13:30–15:00 h.

Program radionice:

1. stanica – Imobilizacija vrata i pregled povrijeđenog – 20 min
2. stanica – Upotreba laringotrahealne maske i orotrahealnog tubusa – 20 min
3. stanica – Kardiopulmonalna reanimacija – 20 min
4. stanica – Anafilaktički šok – davanje adrenalina i otvaranje venskog puta – 20 min

Predavači na radionici su bili:

- *prim.dr. Zaim Jatić*
- *prim.dr. Milan Mioković*
- *dr. Amela Kečo*
- *Šefika Bureković, vms*



KLINIČKE VJEŠTINE OSNOVNOG I NAPREDNOG ODRŽAVANJA ŽIVOTA ZA TIMOVE PORODIČNE MEDICINE – ZA LJEKARE I MED. SESTRE/TEHNIČARE ODRŽANE PO ORGANIZACIONIM JEDINICIMA

Na radionici je učestvovalo 10 ljekara i 10 medicinskih sestara iz svih domova zdravlja.

Zbog nedostatka modela potrebnih za održavanje radionica, radna grupa za KPR je donijela odluku da se radionica organizuje u svim organizacionim jedinicama sa jednim setom modela. Ovdje treba napomenuti da je u saradnji sa Fondacijom fami kasnije nabavljeno 6 modela za vježbanje što će u budućnosti znatno olakšati ovakav vid radionica.

Ukupno je održano 28 radionica s ukupno 482 učesnika.

Tabela 3. pokazuje raspored održavanja stručnih radionica u organizacionim jedinicama

Organizaciona jedinica	Vrijeme održavanja	Ukupan broj radionica	Broj ljekara učesnika	Broj sestara učesnika	Ukupno učesnika	Prosječna ocjena
Stari Grad	dec 2010.	2	16	35	51	5,00
Centar	dec 2010.	5	27	43	70	5,00
Vogošća	jan 2011.	3	8	20	28	5,00
Ilijaš	feb 2011.	3	7	24	31	5,00
Novo Sarajevo	mart 2011.	4	23	45	68	5,00
Novi Grad	mart 2011.	5	47	70	117	5,00
Ilidža-Trnovo	jan 2011.	4	24	70	94	4,94
Hadžići	jan 2011.	2	7	16	23	4,90
Ukupno		28	159	323	482	4,98

Tehnički i organizacioni problemi nisu prijavljeni ni u jednoj organizacionoj jedinici.

Izdvajamo neke od komentara učesnika ovih radionica:

“U budućnosti se bazirati na ovakav vid edukacije, sa praktičnim radom.” Stari Grad

„Radionica izuzetno dobro pripremljena, do sada najbolji način učenja. Dobro organizirana, rad u tri grupe za tri vještine – svi smo imali priliku na pojedinačan rad.”
Vogošća

“Kontinuirana medicinska edukacija je dobra prilika



da ljekar obnovi već postojeće znanje. Teme su odlične, predavači kvalitetni sa kvalitetnim prezentacijama. Nova iskustva će mi pomoći u svakodnevnom radu sa pacijentima.” (dr. Mubera Muftić)

“Dosadašnja predavanja i radionice u okviru edukacije su mi puno koristile. Posebno ističem radionice jer ono što se praktično uradi ostaje duže u sjećanju i koristi pri radu. Određene teme treba ponoviti i izabirati nove.” (Behida Šerifović, ms)

Tabela 4. Izvještaj radionica kardiopulmonalne reanimacije KPR 2010.

OJ DZ	Predavači	OJ DZ	Predavači
1. Stari Grad	Uzunović dr. Vildana	5. Centar	Margeta dr. Zdravko
	Tabaković Elma, ms		Čulibrk - Hadžimehmedagić dr. Gordana
	Hadžibegić Elma, ms		Smajić Almir, mt
2. Vogošća	Gljiva dr. Eno	6. Novi Grad	Isović dr. Osman
	Hasanović dr. Elvira		Hećo dr. Ljiljana
	Memić Aida, ms		Mulahasanović Adis, mt
3. Ilidža	Skopljak dr. Amira	7. Ilijaš	Udovčić dr. Aida
	Hodžić Dženita, ms		Memić Mirsad, vmt
	Jahić Mediha, ms		Matoruga dr. Amra
4. Hadžići	Đelilović Nusret, mt	8. Novo Sarajevo	Omerhodžić Fatima, vms
	Tatarević dr. Elvedin		Mehić dr. Farida

U saradnji s Fondacijom fami nabavljeno je 6 modela za vježbanje kardiopulmonalne reanimacije. Ovi modeli će na svečanoj sjednici biti dodijeljeni sljedećim organizacionim jedinicama: Stari Grad, Centar, Novo Sarajevo, Novi Grad, Ilidža (Hadžići i Trnovo), Vogošća (Ilijaš).



DAN KONTINUIRANOG PROFESIONALNOG RAZVOJA U JUDZKS (22. 11. 2010.)

Dana 22.11.2010. u terminu od 17.00 do 21.00 h po prvi put u sklopu programa kontinuiranog profesionalnog razvoja organizovan je i održan skup pod nazivom "Dan KPR-a u JU Dom zdravlja Kantona Sarajevo".

Program je obuhvatio uvodna obraćanja i pozdrave od strane predstavnika Općine Novi Grad Asima Šumana, direktora JUDZKS mr.sci.prim.dr. Slobodana Trninića, direktora Fondacije fami Dejana Sredića, i predstavnika Ljekarske/liječničke komore Kantona Sarajevo prof.dr. Fahrudina Kulenovića.

U ime Udruženja ljekara/liječnika porodične/obiteljske medicine, zahvalnice Fondaciji fami i Općini Novi Grad uručio je mr.sci.prim.dr. Zaim Jatić, koji je ujedno održao i uvodnu prezentaciju "Dosadašnja iskustva u organizovanju kontinuiranog profesionalnog razvoja u JUDZKS".



U daljem programu prezentirana su tri najbolja predavanja po ocjeni koordinatora KPR-a, i to: zajedničko predavanje "Palijativna njega u porodičnoj medicini" koje su prezentirali dr. Mirsada Ganija i medicinski tehničar Damir Laličić iz OJ Ilidža; ljekarsko predavanje iz OJ DZ Novi Grad „Težak pacijent“ koje je prezentirala Sadović dr. Aida; i sestrinsko predavanje iz OJ DZ Stari Grad „Skrining u porodičnoj medicini,“ koje je uspješno prezentirala medicinska sestra Hadžibegić Elma.

Gost predavač dr. Zoran Dakić, epidemiolog iz Bijeljine, održao je predavanje "Krvno prenosiva oboljenja i zdravstveni radnici – prevencija, kontrola i postupak u slučaju akcidenta". Na skupu su bili prisutni uposlenici svih organizacionih jedinica JU Dom zdravlja Kantona Sarajevo, kao i gosti, ljekari i sestre iz Republike Srpske i to iz Foče, Bijeljine, Pala, te gosti iz Zenice, Visokog i Goražda.

Učesnici koji su uspješno pohađali ciklus od šest predavanja KPR-a u 2010. godini dobili su i certifikat o učešću, kao i verifikacioni list nadležnih komora Kantona Sarajevo. Ukupan broj učesnika: 450 ljekara i medicinskih sestara.



PREDAVANJE ZA PSIHIJATRE IZ CENTARA ZA MENTALNO ZDRAVLJE

U okviru KPR-a održano je i predavanje psihijataru iz centara za mentalno zdravlje s ciljem poboljšanja saradnje ovih centara i timova porodične medicine.

Organizacione jedinice u kojima je održano predavanje psihijataru

OJ Dom zdravlja	Psihijatar
Stari Grad	Hadžisalihović dr. Mersa
Vogošća	Mašić dr. Erna
Ilidža	Ališahović-Gelo dr. Elvira
Hadžići	Raljević dr. Kenan
Centar	Šahović dr. Azijada
Novo Sarajevo	Hadžibajrić dr. Elma



Predavanja nisu održana u OJ DZ Novi Grad i OJ DZ Ilijaš.

PREZENTACIJE

Svako predavanje ljekara i medicinskih sestara/tehničara u 8 organizacionih jedinica Ustanove bilo je popraćeno PowerPoint prezentacijama. Na narednim stranicama Biltena izdvojene su neke od korisnih i interesantnih prezentacija naših uposlenika na aktuelne teme. (*klik na sliku za prikaz cijele prezentacije*)

Ostalim prezentacijama moguće je pristupiti na web stranicama KPR-a JU Dom zdravlja Kantona Sarajevo u sklopu *online* [Materijala za KPR](#).

DOM ZDRAVLJA STARI GRAD

Influenca

Amra Mahić, dipl.med.sestra

Vrca dr. Kenan




Najbolji lijek protiv gripe je prevencija – sprječavanje pojave gripe

DOM ZDRAVLJA CENTAR



DOM ZDRAVLJA NOVO SARAJEVO



DOM ZDRAVLJA NOVI GRAD

GLAVOBOLJE

Ćurevac dr. Amela

KPR – maj, 2010.
Uz podršku Fondacije fami

DOM ZDRAVLJA ILIDŽA



TIA I ICV prevencija, tretman i njega

Muftić dr. Mubera
Danijela Ovčina, ms

DOM ZDRAVLJA VOGOŠĆA




DOM ZDRAVLJA HADŽIĆI



DOM ZDRAVLJA ILIJAŠ

HRONIČNA SRČANA
INSUFICIJENCIJA

Salkić dr. Elvira



Šefika Bureković, viša medicinska sestra i uposlenik JU Dom zdravlja Kantona Sarajevo

- Dugi niz godina uposlena na poslovima medicinske i više medicinske sestre
- Osim u JU Dom zdravlja Kantona Sarajevo, radila je i u brojnim drugim zdravstvenim ustanovama prije agresije na BiH
- Tokom rata bila je aktivni učesnik Armije RBiH i to kao član Ratne bolnice Hrasnica
- Od 1998. godine obavlja funkciju glavne medicinske sestre OJ Dom zdravlja Ilidža
- Već dugi niz godina uključena je u brojne projekte koji se tiču unapređenja zdravstvene zaštite građana i edukacije zdravstvenih radnika, gdje se pojavljuje kao aktivni učesnik u ulozi predavača i koordinatora. Samo neki od njih su: predavač CME kursa PM/OM Project HOPE, Koordinator za sestre CME – Project HOPE, Predavač na kursu TOT – Project HOPE, Asistent učesnicima kursa CME – Project HOPE. Od 2005. godine, dakle od samog početka, uključena je u projekat KPR-a, gdje obavlja posao koordinatora za medicinske sestre/tehničare. Član je Odbora Komore medicinskih sestara/tehničara za stručno usavršavanje.



U projekat Kontinuirani profesionalni razvoj ste uključeni od samog početka, možete li nam ukratko napraviti rezime njegovog razvoja kroz sve ove godine?

Da bih mogla napraviti rezime razvoja KPR-a kroz sve ove godine moram se malo osvrnuti na sami početak kontinuirane medicinske edukacije.

Još od 1998. godine krenuo je pilot projekt CME za sve uposlenike OJ Dom zdravlja Ilidža, zatim su se specificirale potrebe edukacije samo timova porodične medicine koji sa današnjeg gledišta definicije tima PM/OM nije to sigurno predstavljao. Te godine je grupa ljekara i sestara dobila priliku da o trošku Project HOPE-a posjete Ženevu – HUG (Univerzitetsku bolnicu u Ženevi). Cilj te posjete bio je da se upoznamo sa radom kako same bolnice, tako i sa radom ljekara porodične medicine i patronažne djelatnosti u Ženevi.

U periodu 1999 – 2000. krenula je doedukacija prve grupe ljekara i sestara PM/OM (12 ljekara i 26 sestara) iz svih organizacionih jedinica JUDZKS.

Nakon tog perioda izvršena je analiza potreba za daljnjom edukacijom – kako proširiti edukaciju na sve timove porodične medicine u jednom smjeru i kako obezbjediti kontinuiranu doedukaciju timova koji su već završili prvi krug edukacije. U tom smislu krenulo se sa edukacijom edukatora i supervizora (TOT i TOST). Već u samom početku projekta planiralo se da prve godine budu predavači iz Ženeve 100%, druge godine 75% iz Ženeve 25% domaći predavači koji su prošli edukaciju edukatora (TOT), sljedeće godine 50% domaći 50% predavači Švicarci, iduće godine 25% Švicarci 75% domaći i na kraju 100% domaći predavači.

Takvim načinom edukacija došli smo do potrebe da se svakih 5 godina obnavlja edukacija za timove koji su već prošli prvi krug edukacije i to procjenom za neophodnim znanjem koji su izrazili sami ljekari i sestre da

im je potrebno.

Tako je 2005. godine krenuo KPR (kontinuirani profesionalni razvoj) koji je trajao do 2011. sa finansiranjem od strane Fondacije fami.

Sa obzirom na Vaše dugogodišnje iskustvo u projektu, kakvo je Vaše viđenje sadašnjeg KPR-a?

Mislim da je KPR trenutno u svom velikom zamahu i da je imao ogroman uticaj na poboljšanje kvaliteta i poboljšanja svih područja rada timova PM/OM – promocije prevencije, liječenja, saradnje sa zajednicom. Poboljšanje kvaliteta je i mjerljivo, a što su pokazale mnoge ankete provedene po domovima zdravlja, kao i audit koji su rađeni u praksi.

Koliko ste zadovoljni uključenosti sestara/tehničara u ovaj projekat i koliki isti može dati sestrinstvu?

U samom sticanju znanja, novih saznanja, sestra je već dobila mnogo ovim projektom i uključena je u ovaj projekat koliko i ljekar. Jedini je nedostatak što treba aktivnije u sve ovo uključiti sestrinsku komoru koja je malo inertna u prepoznavanju potreba sestara u svom razvoju.

Kakav je odnos sestra – ljekar bio na samim počecima, a kakav je danas, da li je kroz KPR unaprijeđen i da li KPR doprinosi priznavanju značajne uloge koju sestre porodične/obiteljske medicine imaju?

U početku je sestra imala ulogu asistenta ljekaru, pomažući da ljekar obavi svoje poslove i nije učestvovala u timskom radu u odnosu na pacijenta. Sada je sestra okrenuta pacijentu radeći poslove sestrinskog planiranja promotivno – preventivnog rada. Ljekari koji rade po principima PM/OM itekako znaju prepoznati sestru koja koristi svoje znanje za timsku obradu pacijenta, što naravno i ljekaru olakšava rad. Naravno da ima još sestara koje umjesto da pacijenta uvedu u sobu za savjetovanje, ljekarima lijepe kodove na recepte, ali to su već pojedinačni slučajevi, jer edukovana sestra koja provodi savjetovanje pacijenta, ispunjava anamnestičke podatke u kartonu, evidentira sestrinski plan njege i sestrinsku dokumentaciju, nema vremena za lijepljenje kodova na recepte ljekara.

Kako vidite ovaj projekat u budućnosti?

U budućnosti KPR vidim razvijen u smislu uvezanosti sestrinske komore i sistema KPR-a za validno dobivanje bodova za licencu, a edukacija ljekara i sestara da bude obavezujuća, kao i individualno učenje na daljinu uvezanom mrežom dostupnom svakom ljekaru i sestri.

Cijeneći Vaše dugogodišnje iskustvo u struci, imate li neki savjet Vašim kolegama i kolegicama, a pogotovo mlađim koji tek kreću u projekat KPR-a?

Sestrama bih savjetovala da razvijaju svoju profesiju kroz KPR, a da jačaju i vrednuju sestrinstvo kroz komore i udruženja aktivno radeći na priznavanju onoga što znaju i što rade (sistematizacijom i finansijski).

U S K O R O

Monografija “Kontinuirani profesionalni razvoj u JU Dom zdravlja Kantona Sarajevo 2005 - 2010”



Iz recenzije:

“Ova Monografija predstavlja originalno djelo o kontinuiranom profesionalnom razvoju provedenom u Javnoj ustanovi Dom zdravlja Kantona Sarajevo u periodu 2005 – 2010. godina. U programu je evidentno da je edukacija provedena uz visoko učešće uposlenika JU Dom zdravlja Sarajevo, na savremen način učenja. Na ovaj način, zdravstveni radnik postaje sposoban da bude organizator, komunikator, terapeut u svih pet aktivnosti: promocija zdravlja, prevencija bolesti, liječenje oboljelih, rehabilitacija preboljelih, neprekidno učenje i usavršavanje”.

prof.dr. Ajnija Omanić, emeritus